

60 Joor ???

Wär si nit kennt
Liggd nit im Trend

Syt 60 Joor sin si im Biecherregal z'finde
Und ihri Fans wärde niemols verschwinde

Drey Froogezeiche dien sie sich nenne
Und d'Täter vo de Lyche schnäll erkenne

Justus Jonas, Peter Shaw und Bob Andrews
dien si haisse

Ihri gmainsame Fäll dien si no meh zämme
schwaisse

Kai Abentüür isch für si z'gross
Ermittle dien si in jedem Fall druf los

Dr schlaui Justus isch dr erschti Detektiv
Är hett si gründet und isch au ihre Chief

Uf em grosse Schrottplatz vo sim Unggle
Isch die Ghaim-Zentrale, tuet me munggle

Dr schnälli Peter Shaw isch dr Zwaiti in
däre Gruppe
Obwol dr stärkscht, als Angschthaas sich
tuet entpuppe

Mit dr Hilf vo sinere Dietrich-Sammlig
Öffnet är ganz aifach jedi Verrammlig

Dr ruegi Bob Andrews isch dr Dritt im Bund
Är goht jedem Täggscht genau uf e Grund

Är liebt Biecher, Musik, Kunscht und d'Fotografie
Und genau das macht ihn zum Recherche-Genie

Ob als Biecher, Hörspiil oder als Live-Event
Es git fascht niermer wo si noonig kennt

Vo de Amis sin si nach Europa koo
Hän d'Ahängerschaft in ihre Bann denn gnoo

Mit über 150 Gold- und Platinschallplatte
Stelle si wirgligg alles Andere in Schatte

Ihri Gschichte sin für alt und jung
Drum seen mir das Sujet als Würdigung

Mit 60 Joor schaffe si's, uns immerno
z'begaischtere

Drum wärde si au d'Zyt vo dr KI logger
maischtere

www.rootsheere.ch

Wöttsch du au d'Fasnacht für di entdecke
Denn due schnäll unseri Website abchecke
Willsch drumme, pfyffe und s'luschtig ha
Denn mäld di bi unserer Clique aa
Am Beschte, und das wär wirgligg dr Hit,
Nimmsch di Lieblingsmensch au grad mit



Wotsch bi uns mitmache? Denn kumm doch ans Yschriibe. Du findsch uns am
Samschtig, 2. Merze 2024, vom Zwei bis am Vieri uf em Barfi. Mir freye-n-is uf di!

Am Frytig und Samschtig, 23./24. Hornig 2024, findet uf em Barfi die 1. Lektion
statt. Fasnacht für alli zum Kennelehre und Usprobiere! www.jetzt-fasnacht.ch
(Fr. 13.00–17.00 Uhr, Sa. 11.00–16.30 Uhr)

D Ladäärne-Uusstellig uff em Minschterplatz und d Waage- und Reggwisyte-
Uusstellig bi dr Kasäärne sin vom Määntig znacht bis am Mittwoch demoorge!

Drugg: Erlenhof | MAKEYOURDAY, Reinach BL